



საქართველოს შინაგან საქმეთა სამინისტრო ბანსაკშთრებულ დავალებათა დეპარტამენტის სატენდერო დოკუმენტაცია

მ. თბილისი, 9 აპრილის მ. №4 (ტელ: 41-20-37)

ინსტრუქცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ“ დებულების და „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ შესაბამისად.

1. სახელმწიფო შესყიდვების დაფინანსების წყარო

1.1 2011 წლის სახელმწიფო ბიუჯეტი.

2. შესყიდვებში მონაწილეთა უფლებამოსილება

2.1 სატენდერო წინადადების წარდგენისათვის პირველ რიგში უნდა დარეგისტრირდეთ სახელმწიფო შესყიდვების ერთიან ელექტრონულ სისტემაში მიმწოდებლის სტატუსით. შემდეგ ვალდებული ხართ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

2.2 პრეტენდენტის ქმედებასთან დაკავშირებული რისკისგან დაზღვევის მიზნით, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, რომელიც იქნება სატენდერო განცხადებაში მითითებული შესყიდვის ობიექტის სავარაუდო ღირებულების 1%-ის ოდენობით, რომლის მოქმედების ვადა განისაზღვრება არანაკლებ 60 კალენდარული დღით სატენდერო წინადადების მიღების დაწყებიდან.

სატენდერო წინადადების გარანტია მიმწოდებელს უკან არ დაუბრუნდება შემდეგ შემთხვევებში;

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;
- დ) პრეტენდენტის მიერ არაკეთილსინდისიერი ქმედების განხორციელებისას;

2.3 მიმწოდებელმა უნდა წარადგინოს ტენდერში მონაწილეობის საფასური 50 ლარის ოდენობით, რომელიც შემდგომ დაბრუნებას არ ექვემდებარება.

3. სატენდერო წინადადების წარდგენის ფორმა

3.1 მას შემდეგ, რაც ზემოღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

3.2 სატენდერო წინადადება შედგება სატენდერო წინადადების ფასისაგან (ერთეული ფასი –გამოსახული უნდა იყოს ტრანსპორტირების ხარჯები და ყველა სხვა გადასახადების გათვალისწინებით) და ტექნიკური დოკუმენტაციისაგან.

3.3 პრეტენდენტის მიერ წარმოდგენილი სატენდერო წინადადების ღირებულება უნდა იქნას წარმოდგენილი მხოლოდ ეროვნულ ვალუტაში (ლარი).

3.4 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

3.5 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

3.6 პრეტენდენტს არა აქვს უფლება წარადგინოს ალტერნატიული წინადადება.

4. ელექტრონული ვაჭრობის დრო

4.1 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

4.2 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

4.3 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

4.4 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნულ პრინციპით ფასის შემცირებისა ან მის იგივე ოდენობით დატოვებას.

4.5 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

4.6 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

4.7 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

5. სატენდერო წინადადების განხილვა

5.1 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადების და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღეს ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

5.2 თუ პრეტენდენტის მიერ წარმოდგენილი სატენდერო წინადადება შეესაბამება სატენდერო განცხადების და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

5.3 პრეტენდენტის მიერ საკვალიფიკაციო მონაცემები არის ადმინისტრაციული ორგანოებიდან წარმოსადგენი დოკუმენტი, რომლის წარმოდგენას პრეტენდენტს, შემსყიდველ ორგანიზაცია განუსაზღვრავს ვადას არაუმეტეს 5 სამუშაო დღისა.

5.4 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), შემსყიდველი დებს მასთან სახელმწიფო შესყიდვების შესახებ ხელშეკრულებას.

5.5 პრეტენდენტის დისკვალიფიკაცია ხდება რიგ შემთხვევებში:

ა) პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოდგენს ხელშეკრულების შესრულების უზრუნველყოფის გარანტიას (გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

5.6 იმ შემთხვევაში თუ მოხდა პრეტენდენტის დისკვალიფიკაცია, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებისა და სატენდერო დოკუმენტაციაში მოცემულ მოთხოვნებს.

5.7 იმ შემთხვევაში თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შემდეგ, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

6. სატენდერო პროცედურების შეჩერება ან შეწყვეტა

6.1 შემსყიდველ ორგანიზაციას ტენდერის შემთხვევაში ხელშეკრულების დადებაამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

6.2 შემსყიდველი ორგანიზაცია ტენდერის შეწყვეტის შემთხვევაში ვალდებული არ არის პრეტენდენტს წარუდგინოს დეტალური ინფორმაცია და აუნაზღაუროს შესყიდვაში მონაწილეობასთან დაკავშირებული ხარჯები.

7. გამარჯვებულ პრეტენდენტთან ხელშეკრულების დადება

7.1 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

7.2 პრეტენდენტის მიერ საკვალიფიკაციო მონაცემების დამადასტურებელი დოკუმენტების სრულყოფილად წარმოდგენის შემდეგ გამარჯვებულ პრეტენდენტსა და შემსყიდველს შორის იდება სახელმწიფო შესყიდვების შესახებ ხელშეკრულება, საკვალიფიკაციო მონაცემების წარდგენიდან არაუგვიანეს 5 სამუშაო დღისა. აღნიშნული ვადის გაგრძელება შესაძლებელია არაუმეტეს 5 სამუშაო დღით, მხოლოდ სატენდერო კომისიის დასაბუთებული ოქმის საფუძველზე, რომელშიც მითითებული იქნება ობიექტური მიზეზები, რომელთა გამოც ვერ მოხერხდა ხელშეკრულების დადება დადგენილ ვადაში.

7.3 სახელმწიფო შესყიდვის შესახებ ხელშეკრულება შემსყიდველი ორგანიზაციის მიერ სისტემაში უნდა აიტვირთოს მისი დადებიდან არაუგვიანეს ხუთი სამუშაო დღისა.

8. დამატებითი პირობა

8.1 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

8.2 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

8.3 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ.

8.4 სატენდერო წინადადების მოქმედების ვადა უნდა განისაზღვრებოდეს სისტემაში წარდგენიდან არანაკლებ 30 კალენდარული დღით.

ტექნიკური დოკუმენტაცია

შესყიდვის ობიექტი:

(განსაკუთრებულ დავალებათა დეპარტამენტის პირადი შემადგენლობის კვებითი მომსახურება, 650 კაცი)

მომსახურების პირობები და ვადები

შესყიდვის ობიექტის – მომსახურების ადგილი – ქ.თბილისი, ჟორესის ქ.№10

შესყიდვის ობიექტის – მომსახურების ვადები – ხელშეკრულების გაფორმებიდან 2011 წლის 31 დეკემბრის ჩათვლით.

საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

*** იურიდიული პირებისათვის:**

- ა) ცნობა – საჯარო რეესტრიდან, რომ მის ქონებაზე არ არის ყადაღა დადებული.
- ბ) ცნობა – საგადასახადო ინსპექციიდან ბიუჯეტის წინაშე დავალიანების არარსებობის შესახებ.
- გ) ცნობა – სასამართლოდან, რომ იურიდიული პირის მიმართ არ მიმდინარეობს გადახდისუნარიობის საქმის წარმოება.

*** ფიზიკური პირებისათვის:**

- ა) ცნობა – საჯარო რეესტრიდან, რომ მის ქონებაზე არ არის ყადაღა დადებული.
- ბ) ცნობა – საგადასახადო ინსპექციიდან ბიუჯეტის წინაშე დავალიანების არარსებობის შესახებ.
- გ) ცნობა – სასამართლოდან, რომ იურიდიული პირის მიმართ არ მიმდინარეობს გადახდისუნარიობის საქმის წარმოება.

ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს, **ელექტრონული ტენდერის შემთხვევაში** - „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ.

არარეზიტენტმა პრეტენდენტ(ებ)მა საკვალიფიკაციო მოთხოვნები უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

პრეტენდენტმა უნდა წარმოადგინოს სუბკონტრაქტორის (არსებობის შემთხვევაში) საკვალიფიკაციო მონაცემები.

საკვალიფიკაციო მონაცემების დამადასტურებელ დოკუმენტები უნდა იქნას წარმოდგენილი შემსყიდველ ორგანიზაციაში სისტემის გამოყენების გარეშე, შემსყიდველი ორგანიზაციის მოთხოვნიდან არაუმეტეს 5 სამუშაო დღის განმავლობაში შემდეგ მისამართზე: ქ. თბილისი 9 აპრილის ქ. №4, შსს განსაკუთრებულ დავალებათა დეპარტამენტი, ოთახი 202.

პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

პრეტენდენტის სატენდერო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

- * პრეტენდენტის იურიდიული დასახელება.
- * პრეტენდენტის იურიდიული და ფაქტიური მისამართი.
- * ხელმძღვანელის სახელი და გვარი.
- * ელექტრონული მისამართი.
- * პრეტენდენტის საკონტაქტო ტელეფონის ნომერი.
- * პრეტენდენტის საბანკო რეკვიზიტები.
- * ანგარიშსწორების პირობები.
- * პრეტენდენტის საინდიფიკაციო კოდი.
- * ერთ მოსამსახურეზე კვებითი მომსახურების ხარჯთაღრიცხვა.
- * მოსამსახურეთა სასურსათო უზრუნველყოფის ნორმების მიხედვით შედგენილი გამოსაყენებელი კერძების ჩამონათვალი, რომლის მიხედვითაც შედგენილი იქნება ყოველკვირეული მენიუ-განწილვა.
- * ინფორმაცია მსგავსი მომსახურების გაწევის შესახებ მინიმუმ 4 წლიანი გამოცდილებისა.
- * პრეტენდენტს უნდა ქონდეს ერთდროულად 300 კაცზე კვებითი მომსახურების შესაძლებლობის გამოცდილება.
- * კვალიფიციური პერსონალის ჩამონათვალი კვალიფიკაციის მიხედვით.

დამატებით დოკუმენტებისა და ინფორმაციის ჩამონათვალი ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

პრეტენდენტს არა აქვს უფლება წარმოადგინოს ალტერნატიული წინადადება.

ანგარიშსწორების პირობები

უნაღდო. ანგარიშსწორების ფორმა – სტანდარტული.

შემსყიდველი იღებს ვალდებულებას აუნაზღაუროს შემსრულებელს მომსახურების ღირებულება ეტაპობრივად, ყოველი კონკრეტული მომსახურების გაწევიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან 20 კალენდარულ დღეში.

ხელშეკრულების უზრუნველყოფის გარანტია

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის საბანკო ან სადაზღვევო გარანტია სახელშეკრულებო ღირებულების 5%-ის ოდენობით. აღნიშნული გარანტია წარმოდგენილი უნდა იქნას შესაბამისი ხელშეკრულების გაფორმებამდე. გარანტიის მოქმედების ვადა უნდა აღემატებოდეს ხელშეკრულების მოქმედების ვადას არა ნაკლებ 30 კალენდარული დღით. ხელშეკრულები უზრუნველყოფის გარანტია უნდა იქნას წარმოდგენილი შემდეგ მისამართზე: ქ. თბილისი 9 აპრილის ქ. №4, შსს განსაკუთრებულ დავალებათა დეპარტამენტი, ოთახი 202.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: სატენდერო კომისიის აპარატის წევრები: ინდირა გოგილავა ტელ: 877 52-70-75; ელ-ფოსტა: i.gogilava@mia.gov.ge; ნინო გეწაძე ტელ: 899 58-02-01; ელ-ფოსტა: n.gecadze@mia.gov.ge; კობა ცანდიშვილი ტელ: 877 26-90-82.

ტექნიკური პირობები

განსაკუთრებულ დავალებათა დეპარტამენტის განსაკუთრებულ დავალებათა I სამმართველოს კვებით უზრუნველყოფის და სასადილოს კვების ბლოკის, სასაწყობო და სამაცივრე მეურნეობის მომსახურების პირობები.

შემსრულებელი ვალდებულია მოამზადოს მრავალფეროვანი კერძები და კულინარიული ნაწარმი წარმოდგენილი ნორმების თანახმად შემკვეთის განაცხადის საფუძველზე კაცთა რაოდენობის მიხედვით:

- (დანართი №1 საერთო საჯარისო სასურსათო იჯრა საყაზარმე კვების (საქვამე კმყოფაზე ყოფნის) პირობებში)
- ჩანაცვლების ნორმითა და სადღესასწაულო ნორმით.

შემსრულებელი იღებს ვალდებულებას უზრუნველყოს კვებით მომსახურებით I სამმართველოს პირადი შემადგენლობა და დანაყოფში მივლინებით მყოფი შსს-ს თანამშრომლები ჟორესის №10-ში, ასევე საჭიროების შემთხვევაში აღნიშნული დანაყოფის კვებით უზრუნველყოფა საქართველოს ტერიტორიაზე ერთდროულად რამოდენიმე ადგილზე როგორც სტაციონალური ასევე საველე პირობებში შემსყიდველის მიერ მიღება-ჩაბარების აქტით გაცემული ინვენტარის და შენობა ნაგებობების გამოყენებით.

შემსრულებელმა ტენდერის დროს უნდა წარმოადგინოს შვიდ დღიანი მენიუები მრავალფეროვანი კერძების და კულინარიული ნაწარმის მომზადების რეცეპტით და მენიუ განწილვის ცხრილით;

შემსრულებელი ხელშეკრულების გაფორმებისას მიღება-ჩაბარების აქტის საფუძველზე იღებს შემსყიდველის მფლობელობაში არსებულ სასადილოს კვების ბლოკის და სასაწყობო და სამაცივრე მეურნეობის მცირეფასიანი და ძირითადი საშუალებების ინვენტარს.

მცირეფასიანი ინვენტარის დაზიანების შემთხვევაში შემსრულებელი ვალდებულია შეავსოს იდენტური მატერიალური ფასეულებით (ვიზუალური და ხარისხობლივი მაჩვენებლით).

შემსრულებელი ვალდებულია აწარმოოს მიღებული ძირითადი საშუალების მიმდინარე და კაპიტალური რემონტი. ხელშეკრულების დამთავრების შემდეგ ჩააბაროს იგი შემყიდველს მუშა მდგომარეობაში.

შემსრულებელი ვალდებულია დაიცვას დაკავებული ფართის სანიტარულ ჰიგიენური ნორმები.

შემსრულებელი ვალდებულია შემსყიდველს შეუთანხმოს ყოველკვირეული მენიუ. შემსრულებელმა უნდა აწარმოოს შემოსული და გასული პროდუქტების აღრიცხვა და ხელი შეუწყოს დამკვეთს შემოწმებისთვის საჭირო დოკუმენტაციის მოპოვებაში.

შემსრულებელი ვალდებულია მოახდინოს შემსყიდველის მიერ მიწოდებული დამატებითი პროდუქტების პირად შემადგენლობაზე გაცემა სიტყვიერი ან წერილობით ღირებულებების შესაბამისად.

შენიშვნა: კაცთა რაოდენობამ შესაძლებელია განიცადოს ცვლილება, როგორც კლების ასევე მატების თვალსაზრისით.

ნორმა №1 – საერთო საჯარისო სასურსათო იჯრა საყაზარმე კვების
(საქვებე კმაცოფაზე ყოფნის) პირობებში

№	სურსათის დასახელება	დღიური ნორმა, ბრუტო გრ–ში
1	პური (თეთრი)	700
2	ფუნთუშა I ხარ. კვ.	100
3	ხორბლის ფქვილი	10
4	ბურღულეული	80
5	ბრინჯი	40
6	მაკარონის ნაწარმი	40
7	საქონლის ხორცი	140
8	ფრინველის ხორცი	60
9	სოსისი	30
10	თევზი გაყინული (უთავო)	100
11	დამარილებული ქაშაყი (ზამთრის სეზ.)	20
12	შესქელებული რძე	20
13	რძე ან რძის ფხვნილი	100/13
14	არაჟანი	30
15	ხაჭო	30
16	ყველი	30
17	კვერცხი (ცალი)	1
18	შაქარი	70
19	კარაქი	40
20	მარგარინი	10
21	ზეთი (ლიტრი)	20
22	კარტოფილი	400
23	კომბოსტო	100
24	ჭარხალი	20
25	სტაფილო	45
26	ხახვი	50
27	კიტრი, პამიდორი (სეზ)	80
28	ბარიჯანი, ისპანახი, ფხალი (სეზ)	40
29	მწვანელი	20
30	ნიორი	5
31	ხილის წვენი (ლიტრი)	100
32	კისელის კონცენტრანტი	10

33	ხილი სხვადასხვა (სეზ. მიხ)	200
34	ხილუფა	5
35	კაკაო	4
36	ჩაი	2
37	ტომატ-პასტა	25
38	ძმარი (ლიტრი)	3
39	მარილი	20
40	წიწაკა-სანელებელი	0.5
41	ტყემაღის საწებელი (ლიტრი)	10
42	თაფლი	30
43	შოკოლადის ნაწარმი	60

ერთი პროდუქტის სხვა პროდუქტით შეცვლის ნორმა			
	პროდუქტის დასახელება	რაოდენობა გრამებში	
		ძირითადი	შემცვლელი
1	პური შავი (რუხი)	100	
	ორცხოვილა, გაღები		60
	პურის ფქვილი (შავი)		70
	პურის ფქვილი I ხარისხის		70
2	პირველი ან უმაღლესი ხარისხის პური	100	
	ორცხოვილა, გაღები		65
	I ხარისხის ფქვილი		75
	უმაღლესი ხარისხის ფქვილი		70
3	პურის ფქვილი	100	
	ბრინჯი		100
	მაკარონის ნაწარმი		100
	მანანის ბურღული		100
4	მაკარონის ნაწარმი	100	
	ბრინჯი		100
	მაკარონის ნაწარმი		100
	ბურღულის და ბოსტნეულის კონცენტრატი		500
	ახალი კარტოფილი		500
	ახალი ბოსტნეული		500
	დამწნილებული ბოსტნეული		500
5	მაკარონის ნაწარმი	100	
	ბრინჯი		100
	სხვადასხვა ბურღული და ღობიო		100
	პურის ფქვილი		100
	კარტოფილი და ბოსტნეული		500
6	ხორცი საქონლის, ღორის, ცხვრის	100	
	შაშხი		100
	1კატ. სუბპრ.(ელენთა, ღვიძლი, გული)		100

	ფრინგელის ხორცი		100
	ხორცის კონსერვი		75
	ახალი მარილიანი თევზი		150
	შებოლილი ხორცი		60
	II კატ. სუბპროდუქტი		200
	ყველი		75
	მოხარშული ძეხვი, სოსისი		80
7	<u>თევზი</u>	100	
	გამოუწეღავი თავიანი თევზი		130
	თევზის კონსერვი		80
	შებოლილი თევზი		75
	თევზის ფილე		70
	ხორცი		67
	გამხმარი თევზი		15
8	<u>ცხოველური ცხიმები</u>	100	
	მარგარინი		100
	მცენარეული ზეთი		100
9	<u>მცენარეული ზეთი</u>	100	
	კულინარული ქონი		100
	ცხოველური ცხიმი		100
	მარგარინი		100
10	<u>კარაქი</u>	100	
	შპიკი		100
	ყველი		100
	მცენარეული ზეთი		50
11	<u>რძე</u>	100	
	რძის ფხვნილი		15
	შედგებული რძე		20
	არაჟანი		20
	ხაჭო		30
	მაწონი		100
	კარაქი		5
12	<u>კვერცხი (ცალი)</u>	1	
	კვერცხის ფხვნილი		15
13	<u>შაქარი</u>	100	
	ჯემი, მურაბა		140
	მარმელადი		130
	კარამელი		50
14	<u>ტომატის პასტა</u>	100	
	ტომატის პიურე		200
	ტომატის სოუსი		100
	ტომატის წვენი, ახალი პომიდორი		500
15	<u>ახალი ხიდი</u>	100	

	ხმელი ჩირი		20
	საზამთრო		300
	ნესვი		200
16	ხმელი ჩირი	100	
	შაქარი		75
	ღა ჩაი		3
17	კისედი	100	
	შაქარი		50
	ღა ჩაი		2
	ხილის წვენი		250
18	ნატურალური ყავა	100	
	ხსნადი ყავა		40
	ყავის სასმელი		200
	კაკაოს ფხვნილი		100
	ჩაი		25
19	კარტოფილი	100	
	ბოსტნეულის მწვანილი		100
	მშრალი კარტოფილი		15
	ბოსტნეულის კონსერვი		60
	სხვადასხვა ბურღული		20
20	ბოსტნეული, ბოსტნეულის ჩირი	100	
	კარტოფილი		100
	კარტოფილის ფხვნილი		15
	სხვადასხვა ბურღული		20
21	ხახვი	100	
	ნიორი		50
22	ჩაი	1	
	ყავა სოიოს		2.5
23	საფუარი (ჟელატინი, სახამებელი)	1	
	ფქვილი პასირების II ხარისხის		10

მოსამსახურეთა სადღესასწაულო ნორმა (აღდგომის დღის);

*სოსისი-100გრ.

*შოკოლადი-90გრ.

*გაზიანი გამაგრილებელი სასმელი-0,5ლ.

*სააღდგომო პასკა-100გრ.

*კვერცხი-2ცალი.

მოსამსახურეთა სადღესასწაულო ნორმა (ახალი წლის);

*ლორი(ან ძეხვი)-50გრ.

*ქათამი (ბარკალი)-250გრ.

*საკონდიტრო ნაწარმი-100გრ.

*შოკოლადის ნაწარმი-100გრ.

*კარამელის კანფეტი-50გრ.

*ჩურჩხელა- 1 ცალი.

*ნუგბარი (თაფლი, ნიგოზი) -50გრ.

*გაზიანი სასმელი -0,5ლ.

*შუშუნა ღვინო -200მლ.

*ფქვილი (ხორბლის უმაღლესი ხარისხის)-150გრ.

*ყველი (იმერული)-100გრ.

შენიშვნა: შესყიდვის ობიექტის ღირებულება შეადგენს $X=V*K*A$ ფორმულების ჯამს ნორმების მიხედვით, სადაც X არის შესყიდვის ობიექტის ღირებულება, V -კაცთა რაოდენობა, K - დღეების რაოდენობა, ხოლო A - ერთ მოსამსახურეზე კვებით ორგანიზების ხარჯთაღრიცხვით გაანგარიშებული თანხა. 2011 წლის 26 თებერვლიდან 2011 წლის 31 დეკემბრის ჩათვლით.

აფიდავიტი
სატენდერო წინადადების დამოუკიდებლად განსაზღვრის თაობაზე

მე, ქვემოთ ხელმოწერი, _____
(სახელი, გვარი, პ/ნ)

_____ სახელით,
(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას _____

(შემსყიდველი ორგანიზაცია და სატენდერო კომისიის დასახელება)

მის მიერ _____

(ტენდერის გამოცხადების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
2. უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
4. ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
ა) სატენდერო წინადადების ფასი;
ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა;
გ) სატენდერო წინადადების წარდგენა ან წარდგენისგან თავის შეკავება;
დ) ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
- ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

სატენდერო წინადადების საგარანტიო უზრუნველყოფა
(საბანკო გარანტიის შემთხვევაში)

ვითვალისწინებთ რა, რომ _____
(პირი, რომელზეც გაიცემა საგარანტიო წერილი)

(შემდგომში „პრეტენდენტი“) მზად არის წარმოადგინოს თავისი სატენდერო წინადადება
_____ სატენდერო კომისიის მიერ

(შემსყიდველი ორგანიზაციის დასახელება)

_____ შესყიდვაზე გამოცხადებულ ტენდერში მონაწილეობის
(საქონლის დასახელება)

მისაღებად, ჩვენ _____ (შემდგომში „ბანკი“)
(ბანკის დასახელება)

ვ ა დ ა ს ტ უ რ ე ბ თ, რ ო მ

ვიღებთ ვალდებულებას _____ (შემდგომში „შემსყიდველი“)
(შემსყიდველი ორგანიზაციის დასახელება)

წინაშე, რომლის მიხედვითაც დროულად და სრულად უზრუნველყოფთ შემსყიდველისათვის
_____ გადახდას
(თანხა ციფრობრივად, სიტყვიერად, კალუტის მითითებით)

შემდეგ შემთხვევებში:

1. თუ სატენდერო წინადადებების გახსნის შემდეგ პრეტენდენტმა უარი განაცხადა ტენდერში მონაწილეობაზე, თავისი სატენდერო წინადადების მოქმედების ვადის დასრულებამდე;
2. თუ პრეტენდენტი გამარჯვების შემთხვევაში უარს განაცხადებს შემსყიდველთან სახელმწიფო შესყიდვის შესახებ ხელშეკრულების დადებაზე;
3. თუ პრეტენდენტი დისკვალიფიცირებულ იქნა შესყიდვის პროცედურების დროს არაკეთილსინდისიერი ქმედების ჩადენის გამო.

გარანტია ძალაში რჩება _____მდე* .
(თარიღი)

* გარანტიის მოქმედების ვადა უნდა იყოს პრეტენდენტის სატენდერო წინადადების მოქმედების ვადაზე 30 კალენდარული დღით მეტი.

ბანკი უზრუნველყოფს საგარანტიო თანხის გადახდას შემსყიდველის წერილობითი მოთხოვნის მიღებისთანავე, შემსყიდველის მხრიდან ყოველგვარი მტკიცებულებების წარმოდგენის გარეშე, იმ პირობით, რომ შემსყიდველის მოთხოვნაში მითითებული იქნება რომელი ზემოაღნიშნული შემთხვევის (შემთხვევების) დადგომის გამო ეკუთვნის მას ეს თანხა და შემსყიდველის მოთხოვნა საგარანტიო თანხის გადახდაზე წარუდგინება ბანკს გარანტიის მოქმედების ვადის დასრულებამდე.

(ხელმოწერა)

(სახელი, გვარი, თანამდებობა)

ხელშეკრულების შესრულების საგარანტიო უზრუნველყოფა (საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ _____
(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.
ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

_____ (თანხა ციფრებით)

_____ (თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

_____ (თარიღი)

_____ (მისამართი)

პროექტი

ხელშეკრულება სახელმწიფო შესყიდვების შესახებ №

ქ. თბილისი

“-----“-----“ 2011 წ.

1. ხელშეკრულების მხარეების ზუსტი დასახელება და რეკვიზიტები

წინამდებარე ხელშეკრულება დაიდო ერთი მხრივ (შემდგომში შემსყიდველი) საქართველოს შინაგან საქმეთა სამინისტროს განსაკუთრებულ დავალებათა დეპარტამენტის ----- სახით, მის: (ქ. თბილისი, 9 აპრილის ქ. №4) და მეორეს მხრივ (შემდგომში შემსრულებელი) ----- მისი დირექტორის ----- სახით, (მის: ----- ტელ: -----) შორის და მიღწეულ იქნა ურთიერთშეთანხმება შემსრულებლის მიერ წარმოდგენილი სატენდერო წინადადების საფუძველზე შემდეგზე: საერთაშორისო ელექტრონული ტენდერის საშუალებით საზოგადოებრივი კვების მომსახურებები სხვა საწარმოების ან დაწესებულებებისთვის შესყიდვაზე.

2. ხელშეკრულების საგანი

შემსყიდველი ავალეს, ხოლო შემსრულებელი იღებს ვალდებულებას (შსს მინისტრის ბრძ. №1103 2007 წლის 13.08.) მიხედვით დამტკიცებული კვებითი ნორმების შესაბამისად, უზრუნველყოს კვებითი მომსახურებით განსაკუთრებულ დავალებათა დეპარტამენტის I სამმართველოს პირადი შემაღენლობა და დანაყოფში მივლინებით მყოფი თანამშრომლები ჟორესის №10-ში (650 კაცი), ასევე საჭიროების შემთხვევაში აღნიშნული დანაყოფის კვებით უზრუნველყოფა საქართველოს ტერიტორიაზე ერთდროულად რამოდენიმე ადგილზე როგორც სტანციონალური ასევე საველე პირობებში. კვებით მომსახურება შედგენილი ერთკვირიანი მენიუ-განწილვის (რომელიც ცვალებადია) შესაბამისად. მომსახურების უზრუნველყოფა ხორციელდება შემსრულებლის მიერ დღეში სამჯერადი კვებით, საკუთარი კვების პროდუქტებითა (ტრანსპორტირებით და შენახვის პირობების დაცვით) და მომსახურე პერსონალით, ხელშეკრულების გაფორმებიდან 2011 წლის 31 დეკემბრის ჩათვლით.

2.2 ხელშეკრულებით გათვალისწინებული შესყიდვის ობიექტის აღწერა მოცემულია ტექნიკურ დავალებასა და ხარჯთაღრიცხვაში, რომელიც დაერთვება ხელშეკრულებას, როგორც მისი განუყოფელი ნაწილი.

3. ხელშეკრულების ჯამური ღირებულება

3.1 ერთი მოსამსახურის კვებით მომსახურების ღირებულება დღეში სამჯერად კვებაზე შეადგენს ----- ლარს. შემსრულებლის მიერ მომსახურებაზე გაწეული ხარჯებისათვის აღნიშნულ თანხას ემატება დღეში ----- ლარი.

3.2 ხელშეკრულების ჯამური ღირებულება შეადგენს ----- ლარს.

3.3 ხელშეკრულების ფასი შეიცავს შემსრულებლის ყველა ხარჯებს დაკავშირებულს მომსახურების გაწევასთან, მათ შორის კანონმდებლობით დადგენილ ყველა გადასახადს, მოსაკრებელს, სახდელს, გარდა ენერგო მატარებლების გადასახდისა (წყალი, ბუნებრივი აირი და ელექტროენერგია).

3.4 ფასის შეცვლა შესაძლებელია მხოლოდ მხარეთა წერილობითი შეთანხმების საფუძველზე, თუ შეცვლილი იქნება შსს მინისტრის (შსს მინისტრის ბრძ. №1103 2007 წლის 13.08.) ბრძანება “მოსამსახურეთა სასურსათო უზრუნველყოფის ნორმების დამტკიცების შესახებ“ და შესაბამისად დამტკიცებული დანართი არაუმეტეს ხელშეკრულების ღირებულების 10%-ის ოდენობით.

3.5 შემსრულებელს შეუძლია წერილობით აცნობოს დამკვეთს ფასების სავარაუდო გაზრდის შესახებ. იმ შემთხვევაში, თუ დამკვეთი 20 (ოცი) სამუშაო დღის ვადაში არ განაცხადებს უარს შემოთავაზებულ ფასებით ურთიერთობის გაგრძელებაზე, დამკვეთი ვალდებული იქნება შემდგომი 5 (ხუთი) სამუშაო დღის განმავლობაში შემსრულებელთან ერთად ხელი მოაწეროს ამ ხელშეკრულების შესაბამის ცვლილებას.

3.6 ფასების ცვლილებასთან დაკავშირებულ საკითხებს იხილავს კომისია, რომელიც ყოველ კონკრეტულ შემთხვევაში იქმნება შსს მინისტრის ბრძანების საფუძველზე.

3.7 იმ შემთხვევაში, თუ დამკვეთი შემსრულებლის მიერ გაგზავნილი შეტყობინების მიღებიდან 20 (ოცი) სამუშაო დღის განმავლობაში წერილობითი განაცხადებს უარს ფასების გაზრდაზე, ან შეტყობინების გაგზავნიდან 30 (ოცდათი) სამუშაო დღის გასვლის შემდეგ არ იქმნება ხელმოწერილი ამ ხელშეკრულების ცვლილება, შემსრულებელს უფლება აქვს დამკვეთთან წერილობითი ურთიერთშეთანხმების საფუძველზე შეწყვიტოს ხელშეკრულება.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს -----

5. ანგარიშსწორების ფორმა

5.1. უნაღდო. ანგარიშსწორების ფორმა – სტანდარტული.

5.2. შემსყიდველი იღებს ვალდებულებას აუნაზღაუროს შემსრულებელს მომსახურების ღირებულება ეტაპობრივად, ყოველი კონკრეტული მომსახურების გაწვიდან კანონმდებლობის შესაბამისად ანაზღაურების საჭირო დოკუმენტაციის წარმოდგენიდან 20 დღეში.

5.3 ანგარიშსწორების ვალუტა: ლარი.

6. მხარეთა ვალდებულებები

6.1 შემსყიდველი ვალდებულია:

6.1.1 გადასცეს დროებით სარგებლობაში გამართულ მდგომარეობაში შემსრულებელს — **სამხედრო მოსამსახურის** ერთდროული კვებისათვის საჭირო სამზარეულო, სამზარეულო ინვენტარი და სამზარეულოს მოწყობილობა-დანადგარები, რაზეც მხარეები აფორმებენ მიღება-ჩაბარების აქტს, სადაც აღწერილი უნდა იყოს სამზარეულო, სამზარეულო ინვენტარის და სამზარეულოს მოწყობილობა-დანადგარების ძირითადი კვანძების მდგომარეობა, კომპლექტაცია და არსებული მდგომარეობა შესაბამისი დეფექტებით (არსებობის შემთხვევაში);

6.1.2 ყოველი კვების წინ, არანაკლებ **ხუთი საათით** ადრე აცნობოს შემსრულებელს სამხედრო მოსამსახურეთა რაოდენობა.

6.1.3 უზრუნველყოს მოხმარებული კომუნალური მომსახურების ღირებულების (წყალის, ბუნებრივი გაზის და ელექტროენერგიის) გადახდა;

6.1.4 შემსყიდველი ვალდებულია უზრუნველყოს შემსრულებელი ხელშეკრულების მოქმედების პერიოდში ალტერნატიული ენერგომატარებელი დანადგარებით-ელექტროგენერატორით, წყალმომარაგებით და სხვა.

6.2 შემსყიდველი უფლებამოსილია ჩაატაროს მომსახურების შემოწმება/კონტროლი, **რისთვისაც შსს სამინისტროს განსაკუთრებულ დავალებათა დეპარტამენტში და შესაბამის დანაყოფში გამოყოფენ უფლებამოსილ პირებს.**

6.3 შემსყიდველი უფლებამოსილია 6.2 პუნქტის თანახმად, ჩაატაროს მომსახურების შემოწმება ამისთვის გამოყოფილი უფლებამოსილი პირების მიერ იმ შემთხვევაში, თუ შემსყიდველი ზედიზედ სამჯერ აღმოაჩენს შემსრულებლის მხრიდან მომსახურების არაჯეროვან ან უხარისხო შესრულებას (მენიუ-განწილვის არასწორად შევსება, კალორაჟის დარღვევა, იჯარით გათვალისწინებული ნორმის არასრულად გაცემა, სანიტარულ-ჰიგიენური ნორმების დარღვევა, უხარისხო საკვები პროდუქტების შემოტანა, უხარისხო საკვების მომზადება), იგი დააკისრებს შემსრულებელს **ჯარიმას 10 000 (ათი ათასი) ლარის** ოდენობით, მისცემს მას სამი დღის ვადას ხარვეზის გამოსასწორებლად და გააგრძელებს დადებულ ხელშეკრულებას.

6.4 შემსყიდველი უფლებამოსილია შემსრულებლის მხრიდან მომსახურების არაერთგზის (სამზე მეტი შემთხვევა) არაჯეროვნად ან უხარისხოდ გაწევის შემთხვევაში (კალორაჟის დარღვევა, იჯარით გათვალისწინებული ნორმის არასრულად გაცემა, სანიტარულ-ჰიგიენურ ნორმების დარღვევა, უხარისხო საკვები პროდუქტების შემოტანა ან უხარისხო საკვების მომზადება) ან მომსახურების გაწევაზე

არამოტივირებული უარისას, მიიღოს გადაწყვეტილება ხელშეკრულების შეწყვეტის შესახებ და შემსრულებელს დააკისროს პირგასამტეხლო ხელშეკრულებით დარჩენილი გასაწევი მომსახურების ღირებულების 3%-ის ოდენობით.

6.5 შემსყიდველი იღებს ვალდებულებას აუნაზღაუროს შემსრულებელს ხელშეკრულების ფასი ხელშეკრულების პირობებში ასახულ ვადებში და ფორმით.

6.6 შემსყიდველი უფლებამოსილია, შემსრულებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, შემსრულებელს დააკისროს ჯარიმა გასაწევი მომსახურების ღირებულების 5%-ის ოდენობით.

6.7 შემსრულებელი ვალდებულია:

6.7.1 გაუფრთხილდეს მიღება-ჩაბარების აქტით მასზე გადაცემულ სასაბაღოლოს შენობა-ნაგებობას, სამზარეულო ინვენტარს, მოწყობილობა-დანადგარებს და სასაბაღოლოსთვის საჭირო სხვა მატერიალურ საშუალებებს.

6.7.2 ხელშეკრულების მოქმედების ვადის დასრულების შემდგომ გადასცეს შემსყიდველს მიღება-ჩაბარების აქტის საფუძველზე მასზე გადაცემული სამზარეულო, სამზარეულო ინვენტარი და სამზარეულოს მოწყობილობა-დანადგარები.

6.7.3 შემსრულებელს ეკისრება სრული მატერიალური პასუხისმგებლობა მასზედ მიღება ჩაბარების აქტით გადაცემული სამზარეულოს, სამზარეულო ინვენტარისა და სამზარეულოს მანქანა-დანადგარების დაზიანებაზე. მისი მიზეზით, აღნიშნული საქონლის დაზიანების შემთხვევაში, თავისი ხარჯებით აწარმოოს გადაცემული კვების ობიექტზე არსებული მატერიალური ქონების მიმდინარე და კაპიტალური სარემონტო სამუშაოები. ხელშეკრულების დამთავრების შემდეგ ჩააბაროს იგი მუშა მდგომარეობაში.

6.7.4. უზრუნველყოს საქართველოში მოქმედი სანიტარულ-ჰიგიენური ნორმების დაცვა.

6.7.5. სასურსათო იჯრის ნორმების მიხედვით ერთკვირიანი მენიუ-განწილვას (თან ერთვის მენიუ-განწილვის ფორმა) ამტკიცებს შემსრულებელი, რომელიც თანხმდება დანაყოფის მეთაურთან.

6.7.6. მომდევნო ერთკვირიანი მენიუ-განწილვა დანაყოფის მეთაურებს უნდა წარუდგინოს შესათანხმებლად არაუგვიანეს წინა კვირის ოთხშაბათს.

7. ხელშეკრულებაში ცვლილებების შეტანა

7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

7.4 ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

7.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

7.6 მხარეები იღებენ ვალდებულებას შეატყობინონ ერთმანეთს აღნიშნული ხელშეკრულების პირობების ცვლილებათა შესახებ არაუგვიანეს 10 დღისა;

8. ხელშეკრულების შესრულების გარანტია

8.1 შემსრულებელი ვალდებულია წარმოადგინოს _____, ლარის ოდენობის ხელშეკრულების უზრუნველყოფის საბანკო ან სადაზღვევო გარანტია.

8.2 ხელშეკრულების შესრულების უზრუნველყოფის გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

8.2 შემსრულებლის მიერ ხელშეკრულებით გათვალისწინებული ვალდებულების დარღვევის (ხელშეკრულებით გათვალისწინებული ვალდებულების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსრულებლის საბანკო გარანტიით გათვალისწინებული თანხა არ დაუბრუნდება)

8.3 გარანტია უკან დაუბრუნდება შემსრულებელს ხელშეკრულებით ნაკისრი ვალდებულების სრულად შესრულებიდან 10 სამუშაო დღის განმავლობაში.

9. დაუძლეველი ძალა

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. ხელშეკრულების შეწყვეტა

10.1 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, შემსრულებლის მიერ ხელშეკრულების პირობების შეუსრულებლობის შემთხვევაში.

10.2 შემსყიდველსა და შემსრულებლის შორის ურთიერთშეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

10.3 შემსყიდველი ხელშეკრულების სრული ან ცალკეული შეწყვეტის გადაწყვეტილების მიღებისას ვალდებულია შეატყობინოს შემსრულებელს მიღებული გადაწყვეტილება მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს შემსრულებელს გადაწყვეტილების ძალაში შესვლამდე.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ სატენდერო კომისიის სხდომის ოქმის საფუძველზე.

11. დამატებითი პირობები

11.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

11.2. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას.

11.3. მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

11.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ მოხდა საკითხის ერთობლივი შესწავლა და შესაბამისი ფაქტების დადასტურება.

11.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება

წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

11.6 წინამდებარე ხელშეკრულება შედგენილია ოთხ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება „შემსყიდველთან“ და „მიმწოდებელთან“.

11.7 წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

12. დავების გადაწყვეტის წესი

12.1 შემსყიდველმა და შემსრულებელმა ყველა ღონე უნდა იხმაროს, რათა პირდაპირი არაოფიციალური მოლაპარაკების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

12.2 თუ ასეთი მოლაპარაკების დაწყებიდან ოცდაათი დღის განმავლობაში შემსყიდველი და შემსრულებელი ვერ შეძლებენ სადაო საკითხების შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს მოქმედი კანონმდებლობის შესაბამისად.

12.3 თუ შემსრულებელი არ არის საქართველოს რეზიდენტი, ხელშეკრულების განხორციელების პროცესში მხარეთა შორის წარმოქმნილი სადაო საკითხების განხილვა განხორციელდება საარბიტრაჟო გარჩევის გზით, საერთაშორისო სავაჭრო სამართლის შესახებ გაეროს საარბიტრაჟო კომისიის წესების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი

განსაკუთრებულ დავალებათა დეპარტამენტის დირექტორი -----

(შემსყიდველის თანამდებობა, სახელი, გვარი)

ხელმოწერა -----

ბ.ა

საბანკო რეკვიზიტები

საქართველოს სახელმწიფო ხაზინა

კოდი 220101222

ანგარიშსწორების ანგარიში №200122900

საიდენტიფიკაციო კოდი 204494788

”-----“-ს დირექტორი, -----

(შემსრულებლის სახელი, გვარი, თანამდებობა)

ხელმოწერა -----

ბ.ა

საბანკო რეკვიზიტები

“-----“-ს

კოდი 220101

ანგარიშსწორების ანგარიში

საიდენტიფიკაციო კოდი

შენიშვნა: წინამდებარე ხელშეკრულების პროექტი დაზუსტდება ხელშეკრულების გაფორმების დროს.